

KOSMOGLOTT

JURNAL INDEPENDENT CONSACRAT AL STUDIA
DEL PROBLEMA DE LINGUE INTERNATIONAL

ORGAN DEL SOCIETÉ KOSMOGLOTT
DEL SOCIETÉ FEDERALI — BRNO
E DEL COMITÉ EXPLORATIV C. E. L. I. A.

Abonnement es calculat per singli 8 págines
0.25 frs. aur.
Annuncias per qcm. 0.20 frs.

A omni correspondentie deve junter-se
respons-cupones por 1 fr. nominal,
o bancnote

Li lingue oficial del Kosmoglott es „Occidental“. Publication de articles in altri lingues
o con contenentie ne interessent li redaction custa per pág. 8 frs. aur.

REDACTION-ADMINISTRATION: E. de WAHL, REVAL, ESTONIA, EHA 10

Annu IV

Nr. [29]

Aug 1925

Academia pro Interlingua

Volapük — München 1887 — Paris 1887—1892 — Petrograd 1893—1898
New York 1898—1908 — Torino 1909 — Interlingua.

Præsidente: G. Peano, Prof. in Universitate de Torino, Cavour-Torino,
Thesaurario: Ing. G. Canesi, Via Costigliole 1, Torino 5.

Socios de Academia paca 10 Fr. in auro per anno. In præterito
anno 1924 socios recipe: 6 numero de „Academia pro Interlingua“,
5 numero de „Kosmoglott“ per socio de Wahl, 6 numero de „Roia“
per socio Foster, 2 numero de „Revista universale“ per socio de Je-
zierski, et publicationes de socios: Barberis, Gianolio, Hamilton,
Meazzini, Migliorini, Beatty, Carbone, Viglezio, Moeser, Pigal, Weis-
bart et alios.

EDITIONES DE KOSMOGLOTT.

Ha aparit curt gramaticas-claves de **Occidental** in lingues
Frances (60 c.), **Angles** (4 pence), **German**, **Russ**, **Chec** (50 c.).

Radicularium de **Occidental** in 8 lingues aparit in liverationes
ye 16 págines (precie 1 fr.). Ha aparit 7 liverationes.

Transcendent Algebra. Ideografie matematical.
Experiment de un lingue filosofic. de Jacob Linzbach (2 fr.)
scrit in lingue Occidental.

Omni ti editiones posse esser recivet che l'administration del
jurnal KOSMOGLOTT, Reval, Eha t. 10. Estonia e che Federali—Brno.

UN GRAV MOMENTE.

Li ductores de Esperanto lude un grand trumfe. Just ante li session del Liga de Naciones ili ha inscenat in Geneva li Congresse e li Semane Esperantistic. Li intention es clar: impressionar li L. d. N. (Liga de Naciones), evocar un resolution favorabil a Esperanto e talmen posir li monde avan un „fait accompli“. Ma forsan li impression va esser ne tutmen in li direction desirat. Li congress va prubar li existentie de un nov nation con su special nationalisme, li „esperantism“.

Esperanto es quasi li „infant miraculosi“ inter li lingues. Quam omni tal infantes it ha atin'et in brevi tempore un evolution respectabil, ha devenit lingue vivent de un nov popul. Ma just ti prematurat evolution posse esser li cause del sammen rapid desaparition del scene, just quam che omni infantes miraculosi. It es li tragedie de Espo har atin'et su autonom forme long tempore ante esser acceptet per li monde, proque li monde present ne have ni tempore ni interesse studiar un nov lingue quel monstra li special qualita vicear li international conosset paroles per autonomic, e pro to enigmatic esperantismes, queles por li profanes (it es 99.9 procent del homanité), representa incomprendibil charades.

Ci un curt collection de tal charad-paroles:

ree — de nov

nepri — persister

pliigho — augmentation

enujigi — incapsular

rompighema — fragil

kuntaraj — brutto

neebrajho - cose impossibil

iomete — un poc

malanigi - excluder

laui - coresponder

ilo - instrument

pori - apropar

obligi - multiplicar

neo - negation

eke - subitmen

endas - deve esser

Ancor 93 es publicat in Kgltt Nr. 23-24.

E tal paroles nu cresce in Espo quam malherbe per centes e miles. Un despermission del academie ne vell auxiliar contra to proque Espo es ja un lingue vivent.

It es clar que del vindpunctu de Esperanto li supra citat paroles es curt, expressiv, autonom, elegant etc., ma ili secue li hodie tam modern linie de exclusiv nationalisme, quam D F e r n s p r e c h e r, F i n n p u h a l i n, E s t o n. K ö n e t r a t telefon, e talmen desproxima se del scope e intentiones de un lingue international.

Ti Esperantistic nationalisme ha creat un nov popul con propri lingue, religion, hymne, insigne, standarte, politic organisation, patriotisme, chauvinisme e altri ismes, do perdit to, quo

es li essential idé de un L. I. Su fortie va esser su ruine. Li mund ne es ancor tam debil, por submisser se a un nov „ecclesia militans“ e si mem per edicte autoritativ del L. d. N. on vell officialisar Espo per introduction obligatori in li scoles, to vell evocar bentost un activ resistantie in li circules de scientistes, e anc in li grand publica, quo vell posser descriditer li prestige de un talmen alt institution quam li L. d. N.

Ante quam li question del L. I. ne es decidet inter li concurrent systemas Espo, Ido, Occidental, Interlingua etc., on ne posse expectar un vota definitiv del L. d. N. sive por, sive contra Esperanto.

Li max favorabil resultate atin'ibil vell esser un resolution del L. d. N. con contententie aproximativmen seeuent:

Li L. d. N. con Interesse secue li intentiones por crear un intermedie lingual inter li divers popules. It aproba egalmen li grand exforties de Esperanto e Ido por introducter li L. I. in li practica, quam li labores scintific de Interlingua, Occidental e altris por atin'er li max perfect e apt medie de communication international, e it recomenda al regenties del singul popules in omni maniere auxiliar li propulsion del labores possent accelerar li atin'tion de ti grav medie intercomunicativ.

Quam dit, to vell esser li maximum, quo on posse expectar del L. d. N.

Ma si contra expectation Dr. Privat vell atin'er plu, i. e. que li L. d. N. va accepter Espo, to vell esser li ruina de Espo e del idé del L. I. self. Advere on posse esser absolutmen cert, que si li L. d. N. accepte Espo, tande solmen sub condition de divers corectures e ameliorationes, monstrat del systemas Ido, Occidental, Romanal etc. E to va esser li morte de Espo in omni casu. Vermen, si Espo accepte far reformas on posse esser cert, que de Esperanto primitiv va restar tantcos, quam de Volapük pos li reformas, queles ha ductet a Idiom Neutral. Volapük ha morit e Neutral ne ha vivet. Do li ductores de Espo ne posse accepter un tal decision. Ma si ili ne accepte reformas, tande va evenir un cose simil al situation pos li decision del famosi Delegation, quel anc ha acceptet Espo in principie ma sub condition de reformas segun li projecte de Ido. E to ha ductet al infortiation del nov systema Ido, subtenet del prestige del Delegation.

On mey presentar-se, quo vell evenir si p. ex. li L. d. N. vell accepter un simil resolution. Sive un ruine dei movement Esperantistic, sive un fort crescentie del concurrent systema protectet del prestige del L. d. N. Ma to vell esser un fiasco

general: por Esperanto, por li L. d. N. e mem por li idé self de un comun lingue!

Caveant consules!

Red.

EX LI MUNDLINGUAL PRESSE.

Heraldo de Esperanto (Nr. 46) raporta pri un public discours de Dr. Peipers in Köln, in quel il ha dit que li question final tutmen ne es: esque Esperanto o Ido, ma esque Ido o Occidental. A ti noticie H. d. E. adjunte: „Ci un interessant facte, quel vell far pensar omni amic del mundlingual moventie. Just ti su max interessant frase ne es contenet in li ceterli tre deta'at raporte pri ti discurse in li Idistie gazete Weltsprache.“

In li sam Nr. Sr Izaj Dratver scri: „Estas pravaj malamikoj de Esperanto parolantaj pri lingva disorganizo reganta en ghi, Faktoj parolas iam tro elokvente!“ Interessent confession de un adherent.

In **Academia pro Interlingua** (Nr. 3) Prof. Pedrazzini scri que Interlingua es „simplice, preciso, intelligibile ad omni persona culto sine regulas, quod non es possibile cum alio interlinguas“ (nor sublineation). Prof. P: sembla har obliviat Occidental! Lu sam scri in li sam Nr. Sr. Canesi, quel ne posse excusar-se per inconossentie de Occidental.

In **Amerika Esperantisto** H. B. H. vole introducter por li nomines feminin li termination **a**, e pena adjustar it al regules del „Fundamento“ per sequent rasonament: „Every womans name is to be regarded as an adjective qualifying the word **ino***) (understood).“ Il ne vide quam comic to es. In fact li suffix de Zamenhof „**a**“ ne es adjectivie, ma feminin in tot Europa, e **in** ne feminin ma justmen adjectivie con sense de origine. Do Josefina femina originant de Josef, pro que on have anc nomines masculin con li suffix **in**, p. ex. Augustin, Justin, Celestin, Valentin, Albin etc.

„It es li maldiction del mal action

Que mal originari fa nascer

Nov mal in continual generation.“

Informoj de Esperanto-asocio de Estonio publica un pamflet in verses ye Occidental con refran „Oriental“ in chascun strofe. Mersías por li propaganda!

In li japanes „**La verda Ombro**“ noi lee: „Japano, kiu loghas in Ameriklando estas japano; Ameriko, kiu loghas en

*) **ino** in Espo modern significa femina.

Japanujo ankau estas Ameriko.“ — Do ci li parol „Ameriko“ significa americano, e America es nu „Ameriklando“. On questiona pro quo ne „Amerikujo“! Noi gratula Esperanto a su vermen international, simplic e logical metode. To origina del schematisme! O eske forsan por orientales Espo ne es tam facil quam on vole far credir nos? In Occ. almen til nu ni un sol japanes ne ha scrit tal formes.

In **L'Antinationaliste** Sr. Charles Baudouin del universitate de Geneva publica un articul quel sublinea tre habilmen li advantages de Espo avan Ido, e inter altricos il dí: „L'Ido est l'oeuvre intéressante . . . d'un congrès de savants, ce qui serait fort bien, s'il s'agissait de poids et mesures ou de nomenclature chimique. L'Esperanto est l'oeuvre d'un homme et d'une vie . . . Zamenhof . . . a trouvé sa langue „en y pensant toujours“ comme Newton disait en parlant de ses découvertes.“ — To es ver, ma Zamenhof ha esset in età de 28 annus, quande il ha publicat su projecte, do il ne ha posset pensar plu quam 14 annus de immatur junesse. Li autor de Occidental ha laborat e pensat del 18-m til 58-m annu de su vive pri li problema de L. I. e ha havet li grand experienties de Volapük, Esperanto, Ido, Neutral, Interlingua etc., e li conoscentie del comparativ filologie. It es ver, Zamenhof es genial, ma James Watt es anc genial, e su nomine conosset til hodie, ma su machin es viceat per altri plu modern e plu effectiv. On ne ha posset conservar su machine pro pietá. Samli Espo e Ido va bentost apartener al historie. Li nomines del pioneros ne va esser obliviat. Julian Prorok.

Nota del Redaction.

* Li response al „40 peki di Occidental“ in **Mondo** noi deve dilater til numero secuent pro manca de loc, evocat del massé de plu actual materiale.

Gazetes mencionant Occidental o Kosmoglott.

Heraldo de Esperanto, Köln-Horrem, Nr. 18, 22, 40 e 46. **Corriere Eclettico**, Roma, Nr. 2—3. **Esperanto**, Geneve, Mai. **La Patria Italo-Brasiliana**, Porto Allegre, Nr. 470—471. **Eklexi**, Roma, Mai. **Academia pro Interlingua**, Torino, Nr. 3. **Mondo**, Stockholm, Nr (171). **Sokolský Věstník**, Praha, Nr. 6.

Abonnamentes e subventiones recivet.

Weisbart 20 RM, Rabinzon 10 frs F, Senigallia 10 frs F, Kockaers 5 frs belg., Podobský 20 Kč, Dr Krikortz 400 Est. Mk., R. Harding 40 frs F, A. Fuchs 1 Doll., Prof. Lesch 3,75 Kr. Sv., Weisbart 5 RM, Prof. Meazzini 1 Doll., Martineau 10 frs F, Dr Ebba Schneider 10 Kr. Sv., Prof. Pášma 100 Kč.